

LAERSKOOLOCHNERHOF

Sarel Cilliersstraat, Strand / Posbus 124, Strand

Tel: 021-854 7316 / Faks: 021-853 4711

E-pos: admin@lochnerhof.co.za

Webtuiste: www.lochnerhof.co.za

SMS: LH (gevolg deur boodskap) na 34050



NUUSBRIEF 24 VAN 2012

UIT DIE HOOF SE PEN

ONS DROOM GROOT MET AKSIE!

Wat is geloof?

Die Bybel sê dat as jy in God en Jesus glo jy 'n kind van God is.

Dit is die manier waarop ons redding kry, met ander woorde, waarop God deel van ons lewens word. MAAR en dit is die groot vraag, wat is geloof? As iemand vir my sê ek moet petrol in my kar gooi as ek wil ry, maar ek weet nie wat petrol is nie, gaan dit 'n gemors afgee. As iemand vir jou sê jy kan God leer ken deur te glo, moet jy darem seker weet wat geloof is.

Dit is nie so moeilik nie. Geloof is eintlik net 'n ander woord vir "geestelike sien" of "geestelike hoor". As jy in 'n pikdonker kamer sit, het jy nie 'n idee wat om jou aangaan nie. Sit die lig aan en skielik maak alles sin. As jy geestelik blind is vir God sal jy Hom nooit raaksien nie. Maar as jou "geestelike oë" oopgaan, sal jy Hom sien. Ja! jy sal weet Hy is daar. Jy sal nie oor Hom of sy bestaan wonder nie, maar jy sal weet. Dit is geloof.

Net so werk dit met geloof in God. Geloof laat jou God in jou lewe raaksien. As jy Hom eers raaksien, verander dinge, veral jy. Dan kan jy of die manier waarop jy optree nie meer dieselfde bly nie. Dan moet jy praat en doen om die Here in jou lewe te beïndruk. Jy moet Hom gelukkig maak. As jy Hom raaksien, kan dit nie anders nie. Jy kan nie sê God is by my en jy leef asof daar nie 'n God is nie. Daarvan gaan God niks hou nie, dit is seker.

Geloof is dus om te weet die Here is in jou lewe en om so te leef.

DAGBOEK / SPORT

MAANDAG, 20 AUGUSTUS	OPEWEEK
DINSDAG, 21 AUGUSTUS	BREINBOELIES (SW)
WOENSDAG, 22 AUGUSTUS	RUGBY VS DANIE ACKERMAN (WEG)
DONDERDAG, 23 AUGUSTUS	MNR. EN MEJ. LOCHIES GALA-AAND HOKKIE VS SOMERSET COLLEGE EN MACASSAR (TUIS) O/13 NETBALUITSPEELWEDSTRYDE
VRYDAG, 24 AUGUSTUS	BREDASDORP TOERNOOI (O/13 RUGBY, HOKKIE EN NETBAL)
SATERDAG, 25 AUGUSTUS	BREDASDORP TOERNOOI (O/13 RUGBY EN NETBAL)

GRONDSLAGFASE

RESPEK is 'n baie groot woord. Ons as ouers en onderwysers kan nooit verkeerd gaan as ons ons kinders daaglikse respek leer en wys nie:

1. Respek is 'n keuse en hang nie van emosie af nie. Maak dus die keuse om ander te respekteer.
2. Begin deur op ander se goeie punte te konsentreer.
3. Moenie gedurig fout vind nie. Soek ook die mooi in ander mense.
4. Neem ander persone se standpunte in ag, al verskil dit hemelsbreed van jou eie standpunte. Om te luister, is die beste manier om 'n ander se opinie positief te beïnvloed.
5. Hou in gedagte dat daar mense is wat wel oor meer wysheid as jy beskik. Wees oopkop en bereid om by ander te leer.
6. Betoon respek deur met konsentrasie te luister en uit te vra oor die onderwerp waарoor hulle gesels.
7. Kyk mense in die oë wanneer jy met hulle praat. So erken jy ook hulle menswaardigheid.
8. Wees bereid om te erken as jy 'n fout gemaak het. Dit maak jou "groot" in ander se oë.

- Vic Brink (Teoloog en Skrywer)

Etiket: Staan op as jy iemand groet.

INTERMEDIËRE EN SENIOR FASE

Ons heg ons Top 12 van Kwartaal 2 aan. Baie geluk aan hierdie presteerders!

Daar was verlede week geen gr.4-7 *Lochie-van-die-week* nie a.g.v. Conquesta toetse.

Lochie-van-die-Week: Gr.1-3

GR.1A ANDRÉ WILLEMSE

GR.1B LANIQUE PRINSLOO

GR.1C ARYA VAN WYK

GR.1D JANIQUE ATSELL

GR.1E RIGHARD KNIPE

GR.2A RUAN GERBER

GR.2B NICO PIENAAR

GR.2C MARLENE GELDENHUYSEN

GR.2D JEAN-MARI JORDaan

GR.3A MARLIE DE KLERK

GR.3B ANTOHAN GERBER

GR.3C RUBY FARMER

GR.3D DIETER CONRADIE



MNR. EN MEJ. LOCHIES



Die **GALA-AAND** vind plaas op 23 Augustus om 19:00 in die skoolsaal -
SIRKUS met brood en sop.

Kaartjies se koste is R30 per persoon en kan by mev. Cooke gekoop word.

SPORT

Baie geluk aan al ons sportspanne wat verlede naweek by Oudtshoorn gespeel het. Jul gedrag en optrede by die velde was puik en ons is baie trots op julle. Ons het weer eens goed presteer en ons skool se goeie naam gestand gedoen.

Ons skool se velde bly baie nat en lei tot groot frustrasie by almal. Alhoewel ons probeer om te oefen by ander velde weet ons dit is nie ideaal nie. Die velde is ook nie altyd beskikbaar nie a.g.v. botsende tye en die feit dat hul velde ook baie nat is. 'n Hartlike woord van dank aan die bestuur by Charles Morkel wat ons sover tegemoetkom asook Hoërskool Strand se sportafdeling.

Francois Cilliers (gr.5) het verlede week aan die WP Rox-tennisternooi deelgeneem en het 7de geëindig in die O/11 afdeling. Baie geluk.


Baie geluk aan die volgende leerders wat vir die Western Cape Interpro Tennisspan gekies is en gaan deelneem teen SWD en Boland:

0/11A **Francois Cilliers, Kirsten Meyer en Quinn Visser**

0/12A **Nadene Prinsloo**

Corné en Laurence Briedenhann (R)

0/13B **Nicole Bryant (R) en Nadene Prinsloo (R)**



GHOLFDAG - 27 SEPTEMBER 2012

Ons hou 'n gholfdag op Donderdag, 27 September by Strand Gholfbaan. Almal is welkom om die dag saam met Lochnerhof te kom geniet. Die inskrywingsvorms is beskikbaar by me. Gerda de Bruyn. Kontak haar gerus rakende 4-bal, pryse, borge of donasies. Me. de Bruyn se e-pos is gdebruyn@lochnerhof.co.za of kontaknommer 021-8547316.

PERSONALIA

Baie geluk aan **juf. Elise Wessels** (gr.3C) wat verlede week haar verjaarsdag gevier het!



SCOOTERS PIZZA

SCOOTERS PIZZA STRAND het 'n spesiale aanbod aan ons Lochie-gesinne. U kan 'n School VIP-kaart koop teen **R100** waarop daar verskillende koeponne beskikbaar sal wees, bv. koop 2 groot pizzas en kry 1 groot Margharita pizza gratis. Die **vervaldatum van die koeponne is 28 Februarie 2013**.

Neem asb. kennis dat die VIP-kaart **slegs by die skool te koop sal wees** (Ontvangs) en nie aan leerders uitgedeel gaan word om te verkoop nie.

Lochnerhof kry 85% van die VIP-kaartverkope wat ons dan gaan **gebruik om die skoolsaal se voorportaal te restoureer**.

Ons sê by voorbaat dankie vir u ondersteuning.

HELDERBERG KLAVIER EISTEDDFOD 2012

Baie geluk aan ons volgende leerders wat deelgeneem het aan die Helderberg Klavier Eisteddfod:

8 jaar:

Emma van der Westhuizen: Silwer +, Goud + en 2 Cum Laudes

Hanli Huisman: Goud, Goud + en Cum Laude

Amé Kruger: Goud, 2 Cum Laudes

9 jaar:

Dané Hayes: Goud, 2 Goud +

Li-Mari Geldenhuys: 2 Goud en 2 Goud +

10 jaar:

Anya Kruger: Silwer +, 3 Goud + en Cum Laude

11 jaar:

Christiaan Goosen: Silwer en 2 Cum Laude

12 jaar:

Nicole Bryant: Silwer + en Goud

Roxanne Lötter: Goud +

Estie Jacobs: Goud en Goud +

Terugvoering wat ons ontvang het van 'n ouer oor ons Helderberg Eisteddfod Senior Koor:

"Ek wil net die skool geluk wens met hul optrede gister. Ek dink dit was uitstaande teenoor die ander kore wat ek gehoor het. Dra asb ook dank en waardering oor aan die onderwysers betrokke by die afrigting van die kinders. Dit was lekker om daar te sit en te kan sê my kind is in Lochnerhof."


Die bestuur van die **TYGERBERG KINDERKOOR** het ingestem om ten bate van ARBEIDS-BEDIENING 'n opvoering te lewer na hul onlangse suksesvolle optrede in Ohio in Amerika. Die koor tree op by die Hoërskool Hottentots-Holland op Sondag 2 September om 4 nm. Tydens die pouse sal ligte verversings verskaf word. Kaartjies word teen R70.00 vir volwassenes en R50.00 vir alle leerlinge te koop aangebied. Dit is 'n geleentheid vir vriende om saam na internasionaal bekroonde kinderkoorsang te luister. Moet dit nie misloop nie! Kaartjies sal beskikbaar wees by Music Moods in die Somerset Mall, Hectic Biltong by die Strand-Meent en kerkkantore van die Strand-Noord en Suiderstrand-gemeentes.

DIE RUIMTE SENTRUM IN MILLSTRAAT 96 HOU 'N KUNSUITSTALLING OP 31 AUGUSTUS EN 1 SEPTEMBER 2012 TEN BATE VAN DIE PIKEWOUTERS KLEUTERSKOOL EN RUIMTE NASORG. VERSKEIE KUNSVORMS WORD UITGESTAL EN TE KOOP AANGEBIED, SOWEL AS DEMONSTRASIES VAN KUNSVORMS.

UITSTALTYE: VRYDAG 31 AUGUSTUS: 18:00 - 22:00

SATERDAG 1 SEPTEMBER: 09:00 - 15:00

TOEGANG: GRATIS



KOM GENIET VERVERSINGS IN ONS TEETUIN VANAF 09:00 SATERDAG, 1 SEPTEMBER

VIR MEER INLIGTING OF NAVRAE SKAKEL 021-854 8234